

國

朝

文

錄

張文貞公文錄

文貞公以時文名談藝家所云京江風度固不廢江河萬古流者也而古文亦稱作手在當時館閣諸公間當在陳澤州午亭文彙之下張桐城篤素堂文集之上蓋高古雄秀不及午亭而風調翩翮篤素似不能及至於碑版之文之多係國初將相紀事等作之竝爲一朝典章史法森嚴詳核不穢則兩文端皆瞠乎後矣予於是歎國初文學之盛爲近古所無而時文之家亦於古文不相妨礙蓋一時館閣大老既有以上諸公而在下位者又有堯峯竹垞湛園其人至山林遺佚之老尤指不勝屈且熊漢陽以時文

名張京江以時文名李安溪以時文名其古文皆足名家降至方
望溪李穆堂陳甸山趙鹿泉諸公亦古文與時文兼擅然則人第
患無才及有才而不能盡耳豈真如黃梨洲所譏明代人以餘力
學古故不及哉上高李祖陶

張文貞公文錄目錄

卷一

擬 上命開館纂修

世祖章皇帝實錄羣臣謝表

康熙六年

禘祭議

停止封禪等議

建藏經閣說

褒忠錄序

送李侍讀楊職方同使安南序

張又南詩文序

吳潛昭評選制義程墨序

紀滅闖獻二賊事

紀陝西官民殉闖難事

紀順治間錢糧數目

昭代樂章恭紀

卷二

擬勒石拖諾山恭紀 聖武神功之碑

誥授光祿大夫勇略將軍總督雲貴兵部尚書兼都察院右

副都御史世襲一等精奇尼哈番謚襄忠趙公墓誌銘

予告光祿大夫少傅兼太子太傅保和殿大學士兼禮部尚書謚文靖王公墓誌銘

處士冕盟申君墓誌銘

誥授光祿大夫吏部尚書文華殿大學士拖沙喇哈番謚文襄李公墓誌銘

張文貞公文錄卷一

京口張玉書素存著

後學上高李祖陶欽

高安曾定梅煦

○ ○ 擬 上命開館纂修

世祖章皇帝實錄羣臣謝表

康熙六年

伏以 聖啓聖而垂謨。方策與球圖並重。治師治以紹烈。舊章偕
星口俱輝。掖左分曹。萃羣才於館苑。禁中給札。董成帙以歲時。誦
綸誥者。知觀光揚烈之方殷。預讎校者。歎繪海賦天之不易。書垂
百代。道炳千秋。臣等誠惶誠恐。稽首頓首。上言竊惟王者卜世卜

年開創裕守成之業。嗣主肯堂肯構。明述兼聖作之功。舜協堯文。繼續卽以繼道。啓承禹服。傳子不異傳賢。風愆訓比。盤銘湯孫。是凜几杖。箴同官誥。姬序永承。帝紀肇始於馬遷。非僅一朝國史。漢書續成於班氏。亦從舊籍。網羅蓋分左右。以注起居。昉自古昔。而繫年月。以爲實錄。起自蕭梁。嗣是代有成編。不免人滋異論。宗尙書者曰。宜多隱惡。法春秋者曰。必須直辭。輯當代之書。較之筆削前人。其體原別。載目前之事。比於是非。往轍其勢。倍艱。絀昌宗誘標舉確切。其詞工。證元忠。吳兢被銜於執政。紀貞元橫開宮市。韓愈受嫉於宦官。誣謗宣仁。賴紹興中之命。官刊定諱言。遂國歎永樂初之開局。重修。

其○他○耳○食○傳○訛○難○以○枚○舉○自○非○心○術○持○正○誰○爲○折○衷○重○用○丁○寧○庶○禱○乙○覽○茲○蓋○伏○遇○

皇○帝○陛○下○奉○三○主○鼎○乘○六○御○乾○玉○冊○金○書○崇○奉○皇兩宮之懿號黃
珠蒼璧合告 三后以升禮業已繼序不忘丕承無缺獨是

太祖

太○宗○之○寶○錄○已○爲○文○子○文○孫○之○典○型○而○中○原○定○鼎○之○規○未○遑○編○次○
斯○卜○世○貽○謀○之○善○急○待○闡○揚○洪○惟

世○祖○章○皇○帝○受○命○而○綏○萬○邦○奠○基○以○成○一○統○學○宗○湯○武○聖○敬○格○於○
天○人○孝○嬀○虞○周○睿○慮○嚴○於○郊○禘○語○文○德○則○梯○山○航○海○之○眾○重○譯○來

朝紀武功。則水西日南之鄉。指戈販命。召諸臣而入對。午朝清問。時殷憫庶獄之非辜。一歲詔書屢下。最關心者。用人行政之大計。至隱念者。水旱盜賊之頻仍。億萬戰宗社無疆。總厯宵旰。十八年。綢繆未雨。坐致昇平。聖謨美不勝書。國乘久而能述。爰開史局。特簡儒臣。盡出秘編。用資旁引。始崇德癸未之秋。仲早知天命。攸歸。訖順治辛丑之春。正永痛人心。遇密八年前。權移負展。而議禮制度。曾不敢以聞。奸八年後柄握。宸衷而夕側。朝嬰原不妨於獨斷。推之柱下。仗前之語。誰非創業垂統之模。大兵則書大診。則書大爵賞。則書須發。凡以起例。所見異辭。所聞異辭。所傳聞異辭。

務存信而闕疑參訂貴在總裁編輯司存分纂臣等丹心素矢青
管懷慚風事

先皇憶侍 天顏於南海西苑新隨朝列頻檢舊章於庶府諸司
龍馭雖遙燕詒如昨讀彌畱之一詔不知涕泗何從仰 靈爽於
在天但覺涓埃無補開編者此日儼如觀雲漢之章授札者幾人
敢不愼丹青之筆伏願克明峻德永言孝思螭頭設記注之官
禁啓經筵之懼念終始典於學時披商說之篇於緝熙畢厥心允
協周成之德儼在廷之陟降不必追弓劍於橋山守良法爲箕裘
非徒奉衣冠於原廟庶幾 祖功宗德垂世則世法之休而帝治

王猷頌如升如恆之盛矣。

前言修實錄之難。中言修實錄之體語皆典。則不苟爲炳炳烺烺。

○ 禘祭議

題爲 聖朝禮無不備大典當議修舉請乞勅部詳議永垂則倣
事臣等綜考禮制言禘者不一有謂虞夏禘黃帝殷周禘帝嚳皆
配祭昊天於圓丘者有謂祖之所自出爲感生帝而祭之於南郊
者有謂圓丘方澤宗廟爲三禘者先儒皆辨其非而言宗廟之禘
又不一說有謂禘祭止及毀廟不及親廟者有謂長發之詩爲殷
之禘雍之詩爲周之禘而親廟毀廟兼祭者惟唐趙匡陸淳皆以
爲禘異於祫不兼羣廟王者既立始祖之廟直推始祖所自出之
帝而以始祖配之故名爲禘至於三年一祫五年一禘經無明文

其說始於漢儒而後之議禮者咸宗之漢唐宋所行禘禮並莫考
始祖之所自出止於五年之中合羣廟之祖行一祫一禘兩大祭
於其宗廟而已大抵夏商以前有禘之祭而其制未詳漢唐以後
有禘之名而與祫無別惟周以后稷爲始祖以帝嚳爲所自出之
帝而太廟之中原無帝嚳之位故祫祭不及帝嚳至禘祭時乃特
設帝嚳之位以稷配焉行於後代不能盡合故宋神宗面諭廷臣
議罷禘禮明洪武初御史蒼祿與權請舉禘祭眾議亦以爲不必
行詔從其議至嘉靖中乃立虛位祀皇初祖帝而以太祖配享事
屬不經禮亦旋罷洪惟我國家受天顯命世德相承自

肇祖原皇帝以前。方定鼎之初。追上。

列祖徽猷。炳載國史。非漢唐宋所可比擬。

四祖尊稱以。

肇祖原皇帝始基王迹。故立廟祀。自。

肇祖始。夫太廟之中。以受命之君爲太祖。允宜特尊者也。我。

太祖高皇帝功德隆盛。與天無極。自當爲。太廟萬世之祖。上而。

推所自出。則締造之業。

肇祖爲最著。今。太廟祭禮。四孟分祭於前殿。後以各伸其尊。歲。

暮。祫享於前殿。以同將其敬。一歲之中。自。

國朝通志卷之五
肇祖以下屢申禋獻仁孝誠敬已無不極五年一禘之祭不必舉行祀典關係重大李時謙請行禘祭又謂設虛位以祀不晰古禮不諳國史所議應無庸議

因時斷制斬盡葛藤。禘禮惟周家可行以有帝嚳爲始祖之所自出也後世始祖且不能明何況自出紛紛舉行徒成妄作

○○停止封禪等議

該臣等議得、詞臣曹禾疏稱、祀典國之大事、三五以來、無不以成
功告於上帝、封禪書及班固諸儒言、泰山五岳之長、神靈所聚、因
高崇天、謂之封、就廣增地、謂之禪、刻石紀號、甚盛典也、逮秦漢唐
宋有事岱宗者、勞民傷財、失對越之意、後世遂不敢申明其禮、不
知因名山升中、與天相見、其爲典禮至尊至重、又黃帝上元甲子、
貞元運會、由是封禪勒成、漢武帝不得其時、則以十一月甲子朔
冬至、應之、而數千年之景運、適協於今日、功成治定之後、

皇上以精一執中爲奉若上帝之命、不可不報、山川百神之助、不

可不答。運世之本。開基之功德。不可不紀。宜勿憚。登陟。亟議告成。考漢唐儀注行之。簡易等語。伏考封禪之說。不著於經。司馬遷封禪書。乃引管仲言。封禪七十二家之說。梁著作佐郎許懋。極言其妄。綱目是之。至於甲子紀歲。始於黃帝。其爲上元甲子。則史無明文。卽管仲言黃帝封禪。亦未指其年爲甲子之年也。又按書傳。舜至岱宗。燔柴祀天。原非封禪。唐虞三代以前。實無封禪故事。可考其史鑑所紀。則有秦始皇。漢武帝。光武。唐高宗。武后。明皇。宋眞宗。行封禪禮。所紀禮儀。則有築壇設壝。及玉策。玉牒。玉簡。金匱。金繩。金泥之制。需費甚煩。且禮不合於經。雖從簡易。亦於義無當。仰惟

皇上聖德布昭神猷默運內除苞孽外靖鯨鯢文教覃敷武功赫濯巍巍蕩蕩直與堯舜比隆而

皇○上○敬○天○凝○命○至○誠○感○神○無○一○事○不○與○天○意○相○流○通○無○一○時○不○與○天○心○相○陟○降○則○所○以○仰○答○神○明○茂○膺○休○祉○者○固○無○所○不○極○其○盛○矣○
比者三逆蕩平已遣官告祭 郊廟社稷嶽瀆海鎮諸神臺灣歸順又專告祭 郊廟社稷一應典禮俱經舉行封禪告成之禮無庸議又科臣王承祖疏請做虞帝之制巡幸東方察閭閻之利病問風俗之厚薄設祭方岳以祈年豐禱雨澤又東岳密邇孔里御輦所屆觀其車服禮器亦千古盛事等語伏考一歲之內徧巡

四岳此三代以前巡省諸侯之禮。自設郡縣以後。未有行者。舜之燔柴。原因巡守行告至禮。其望秩山川。是因祭天而望祭東方之山川。非專祭泰山之神也。我

皇上變輿巡歷。凡所至之地。輒詢考吏治。延訪輿情。或訓飭官方。或特加錫賑。無非省方問俗。勤民重農。至意其祭岱祈年。並禱雨澤之事。非禮典所載。應無庸議。至歷代帝王詣孔里。始於漢高帝。後則漢明帝。章帝。安帝。北魏孝文帝。唐高宗。明皇。後周太祖。宋真宗。皆以經過魯地。展祀。未有專詣闕里故事。我

皇上博綜經學。宏闡心傳。重道崇文。千古莫並。其東巡特祀闕里。

應候。睿裁。疏內又言封禪之事。秦皇漢武不過耀德張功。後世鄙焉。臣等已於曹禾疏內議覆。無庸另議。

此議截然如巨防之止水。一掃秦漢以來君侈臣諛欺天誣民之陋。可謂大文。

。建藏經閣說

慈水雲溪山廣福寺僧劍礪謀建藏經閣於寺南而令其徒名其
言者曰足走數千里募金於輦上貴人余聞而爲之說曰夫釋氏
之有藏經猶吾儒之有十三經二十一史也今之士子自入鄉塾
守一經窮年矻矻而卒有白首紛如之歎至於十三經二十一史
無力者既不能蓄有力而能蓄者復鮮蓄而能讀者又加鮮焉昔
司馬君實作資治通鑑成惟王勝之閱至終編餘則讀未竟已欠
伸思臥蘇子瞻嘗歎昔之君子見書之難今之君子有書而不讀
嗚呼此後生末學之通患也况乎學校之教既弛典學之官不復

以購書爲事。所謂尊經閣者。徒見其頽垣壞壁。欹側於荒榛蔓草之中。初未必經史百家之書盡具於是。又何怪乎生徒之銅耳蔽目。而日流於面牆也。乎其言事浮屠之學。而具大願力。建閣請藏。慨然仔肩。是志固有過於吾徒者也。

全概吾儒之不知藏書。借事只用一點高絕。

○ ○ 褒忠錄序

國家軍興七載。禁旅碁布。仰賴

聖天子廟算。決勝次第。削平凡文武。將吏竭忠誠。以扞疆圉者。往往。詔旨嘉歎。至於再三。賚予遷擢。悉踰常格。以是載之簡策。用紀國恩。示激勸。豈小補與。張君式似舊守鳳翔。刻褒忠錄成。屬予為序。予讀之。而喟然太息。往者固原之變。秦州繼陷。全陝震驚。時君自神木令攝守州事。倉卒為清水叛民所執。賊愛其才。弗殺也。賈令饋饌。與十人者俱。君緣道散遣其眾。乘夜南遁。為邏者所獲。又以計跳身脫。問關至鳳翔。列賊形勢。白於諸大帥。謂賊軍方屯

漢中距秦州千有餘里。今堅冰積雪。騎無所逞。道遠失援。此天贊我也。○此○法○所○謂○出其不意○攻其無備○李○安○漢○蠟○亦○是○如○此○我宜急出間道。潛軍襲之。諸軍從君言。復秦州固原之勢。益孤賊。遂大挫。夫秦州爲故成紀地。自古秦蜀必爭之樞。東連關中。西接臨洮。北扼延慶。平涼。南通漢中。接巴蜀。西漢末爲隗囂所據。三國時。魏人置戍。晉以後。劉石苻姚。以迄拓跋宇文。皆畫地固守。金源置鎮。遠軍未數出師爭之。蓋其地憑險四達。如此方事之殷也。○此○種○意○狀○名○理○深○形○勢○秦州失則隴蜀連衝。賊得併力。東向鳳翔。必危。又河西五郡隔絕。軍後使延慶之寇。疾馳潼關。雖智者不能代爲謀矣。君之保秦州。非獨一州之烈。實三秦得失向背之所繫也。或曰。君瀕險得脫。屬

有天幸設賊終困君於秦州。或中道被繫。計無復出。君當奈何。噫。君之得脫於險天也。天之不阨君於險。惟君之忠誠有以格豚魚。而涉坎窞。故雖險而不及於難。當賊利誘。害林百端。撼君屹不爲動。卒出萬死。不顧一生之計。孤蹤滿足。完節自歸。而且設奇建策。力過賊鋒。以奏成績。誠而智。忠而有謀。天相之矣。豈區區徼倖萬一所可同日語哉。今君奉新命。改守濟南。濟南亦南北之脊也。水陸輸輓。適介其衝。頻年師命。促數水旱不時。正賢者痛心疾首之日。而君以盤錯既賦之效。便宜施設。其幹濟必度越尋常百倍。

異日

天子旌能獎勞。風示民牧。載筆之臣。將大書特書。不一而足也。而
又何但於余言。

序褒忠錄而極意褒獎其謀復秦州之功可謂微顯闡幽矣

。送李侍讀楊職方同使安南序。

國家懷柔遠人。東西日出入之鄉。罔不率俾。而安南視他屬國。爲
近。自奉正朔以來。賜恤賜封。使者冠蓋相望於道。恩澤至厚。今年
夏四月。滇南安南國王黎維禧。以兵脅安南都統使莫元清。襲
高平地。元清竄入滇。粵西撫臣亦奏維禧賚牒來訴。以黎莫世鄰
爲辭。詔下諸王大臣議。僉曰。蠢爾蠻邦。不奉朝命。輒肆侵奪。無
人臣禮。請亟移師聲其罪。或易王封。或置郡分五管。如前代故事。
而

聖天子不忍也。兵部臣因請降勅。粵西守土臣馳檄諭維禧。令卽

歸元清故地不則移師未晚

天子又慮尺一之詔不能盡布德意命慎擇中朝臣具才望善辭
令者乘傳宣諭於是院臣部臣咸推較侍讀李公仙根職方主事
楊公兆傑制日可二公既聞命趨裝就道朝士大夫羣餞於國
門外或相語曰文人自漢以來叛亂相尋屢煩師旅今謂兩使臣
至能即奉命否乎子曰必奉命無疑也夫黎氏以莫世鄰爲言其
辭道矣我國家既開西南道元清歸命實先朝命授元清都統
使是即天子命臣也勅元清仍世長高平地是即

天子分土也黎氏嚮順在莫氏後國家不責其既往錫以眞封

謂○宜○與○莫○氏○各○守○外○圉○恪○共○臣○職○今○維○禧○甘○爲○戎○首○茂○王○制○復○私
讎○一○舉○而○三○失○焉○誰○爲○黎○晝○此○謀○者○吾○聞○交○南○驩○演○人○頗○嚮○學○夫
豈○不○知○略○地○之○非○而○乃○謬○以○春○秋○大○復○讎○文○飾○其○說○其○亦○林○然○有
悔○心○乎○爾○儻○臣○引○擅○兵○爭○奪○之○罪○與○後○嗣○不○敵○怨○之○義○從○容○論○之
必○有○能○頰○首○聽○命○者○或○曰○彼○獷○悍○善○變○難○以○理○屈○所○懾○者○利○與○害
耳○夫○卽○爲○黎○計○滅○莫○氏○非○黎○福○也○昔○陳○氏○王○安○南○百○餘○年○而○黎○滅
之○陳○之○憾○黎○視○黎○憾○莫○孰○甚○其○外○壤○西○鄰○老○撾○南○鄰○占○城○皆○曾○受
黎○虐○欲○得○而○甘○心○者○也○獨○黎○受○中○朝○封○爵○倚○藉○天○威○可○長○恃○以○無
恐○一○旦○爲○中○朝○罪○人○則○起○而○復○九○世○讐○者○將○環○列○而○踵○至○黎○尙○得

安枕臥乎既陳說以大義復曉譬以利害猶不幡然悔罪趣還莫
氏故土是速禍也黎雖愚不出此嗟乎以國家全盛之力遣一
旅斬闕孽罪如摧枯拉朽耳今不卽煩貔虎之師戈船下瀨之士
而儼然登書慰諭國恩深厚不啻覆載兩使臣以立談銷甲兵上
揚

天子威靈下救交人生齒數百萬以視前代征南諸將之功豈不
更偉哉是可爲二公券也或曰予之言然蓋志之因書爲序

前陳義理後說利害侃侃鑿鑿是爲有用之文

○張又南詩文序

關中又南張公吾宗之望也。公從大理卿奉命蒞八閩。提督軍
事。旋纒襄壯公舊服。位列徹侯。威望益重。越今六載。而寰海無刁
斗之警。貢舶市舶相屬不絕。軍民浹和。閩稱大治。先是戊辰冬。公
乘傳來朝。特被溫諭。命三載一入覲。迄辛未秋。屆期陳請。
天子俞其奏。冬十月。馳至都下。陛見之日。慰勞有加。賚予稠疊。比
行。過余言別曰。僕本以儒臣。謬典軍旅。幸無隕越。顧宿事未忘。間
從事於書史。歲月既久。得詩文若干。願爲我敘之。余讀之。喟然而
興曰。國家太平。文德之盛。勳臣保障安輯之功。具見於此矣。惟閩

襟山帶海。夙稱奧區。異時賊寇。奸宄展轉。遭亂文武。將吏相尋。於
干戈戰陳之事者。四十餘年。自廟謨耆定。以後郡縣及於島外。
絃誦徹於荒徼。羶園晏堵。文恬而武嬉。由是爲將帥者。得以餘閒。
修郊射之容。講雅歌之節。自澤其身於詩書六藝之中。而使一時。
兜鍪附注。盡脫其矜。悍不戢之氣。以相與扞衛其民人。而約束於
軍律於戲。豈非休過哉。雖然有其過矣。而非得公之才與學。則亦
不能至焉。昔襄壯公之鎮西陲也。番彝戢時。款塞不敢馳介。馬入
牧於竟上。於時邊鄙不聳。幕府無事。因而延致宿學。負文譽之士。
如李天生。王山史。諸君偕公。昆仲游。蒐討經史。鏃礪詩古文辭。穿

穴貫通。學殖日富。而公天資卓絕。其才力充足。以副之。今集中所載詩。出入三唐。格律工穩。而時溢奇氣。文具磊落英邁之概。不名一家。卽書疏酬答。亦爲海內所珍重。藏弄何豐備。眾妙一至是耶。夫文章事功。古難兼擅。公方垂功名。瑰圭竹帛之上。而孳孳焉。揚。挖。文。事。如。此。豈。不。以。遭。時。休。明。雅。化。勗。洽。將。帥。之。臣。公。侯。之。子。孫。必。能。折。節。嚮。學。不。矜。其。功。伐。而。後。可。長。享。福。祿。令。名。於。無。窮。則。是。集。也。公。甯。獨。以。博。洽。雄。視。一。世。所。爲。紹。襄。壯。公。之。光。烈。而。保。世。滋。大。者。悉。於。茲。寓。焉。是。用。書。以。爲。序。

陳義甚高。末卽寓規於頌。

吳潛昭評選制義程墨序

方一科之文初出。譬若穠花錯采。美不勝收。久之而霜降木脫。錄不數人。人不數藝。縱或閱者嗜好各別。而論定之後。亦所見略同。則爲思其所以刊落與所以久而不廢者。大抵巧不如樸。繁不如簡。華不如實。縟不如潔。肆理命意而緯以六經。諸史唐宋大家之文。辭雖方圓奇正。不名一體。而精力之所融結。皆不可得而磨滅也。豈獨六十年之文爲然。等而上之。亦猶是矣。桐城吳君潛昭。濡染家學。研精制舉業。二十餘年。持議侃侃。與余意合。近偕家弟韋存。讀書北固山房。評選程墨。舉問序於余。因爲述歷科源流。分合

同治庚午金
之故如此。而竊自歎。倖遇之早。又不幸而闡牘爲四方名流所許。不能自匿其瑕。三復茲選。益不禁汗顏而縮瑟也。

簡費

紀滅闖獻二賊事

順治元年四月和碩睿親王多爾袞奉命將師抵山海關與流賊軍遇一戰敗賊軍二十餘萬賊狼狽却走比師抵燕京賊首李自成倉皇不知所出盡焚前明宮闕載輜重而西官兵追擊於真定之慶都復兩敗之賊棄輜重竄入秦九月

車駕至京師十月朔卽位頒詔中外加封諸王越日命和碩

英親王阿濟格爲定遠大將軍征流寇英親王紆道邊外從土默特鄂爾多斯部取駝馬復轉入邊二年二月抵西安時和碩豫親王多鐸已移南征之師以正月二日克李自成兵於潼關矣英親

王師既至。豫親王轉旂南下。英親王乃建大將軍鼓旗。躡賊後。追之時。賊自西安收敗卒出藍田。分道竄出西而南。豫楚之間。所至皆賊。而獨不得自成所在。會諜者言河南鄧州賊兵甚眾。噶布什賢噶喇額真席斌庫率兵薄其城。城潰。乃賊餘黨也。斬抗敵者數十人。餘悉就撫。聞自成養子蔣龍者。擁兵五千衛賊家口。據湖廣承天府。于是大將軍令固山額真譚泰爲帥。同貝子滿達海。薄何托吞齊哈暨諸將。悉急擊之。席斌庫仍爲前鋒。比師至。蒲業分賊兵。水陸兩道遁去。我兵亦兩道躡擊。譚泰等以水路進。滿達海等以陸路進。而自成復從閒道潛走。荆州大師疾趨荆。自成又

遁去。大師由荊州循江而東，乏舟不得濟。至湖口，獲賊艦二百餘。濟江自承天至荊，兩道擒斬賊眾，及陣獲駝馬輜重，約以數千計。而興國州黃州德安皆有偏師在，所獲稱是。自成走武昌，燾章京哈寧噶將兵圍武昌城數匝，賊將偽劉侯田侯引兵五千人出城迎敵，大敗之。自成復遁去，哈寧噶乘勝躡擊至富池口，偵知賊營旋簡精銳直逼自成廬帳，自成勢蹙，投其妾三人於江，潛越富池口而遁。是日生擒賊總兵知府推官各一人，知縣四人，守備千把總五人，獲馬匹船艦無算。自成走九江，大將軍令譚泰率大師乘舟追之，距九江四十里許，遇賊軍陣，斬賊將四十餘人，截獲賊艦。

三百有奇。賊復自焚其艦二百餘遁去。自是賊無戰艦矣。譚泰乃令諸將分道偵賊。時賊勢大潰。我兵無不以一當百。峽內巴圖魯諾一坤將親丁十餘人。敗賊後隊。約數百人。塔思虎力充固巴圖魯。將騎兵百餘人。遮擊賊軍。約三千人。賊軍師宋獻策。亦以是日就擒。因山額真覺羅巴哈納等。追及谷口。會賊方環山而陣。旋以精騎突入。疾趨賊腹。自成擁殘卒踉蹌登山。我兵亦躡之而登。賊各鳥獸駭散。自成復遁去。翌日巴哈納將左翼。鼐拜巴圖魯將右翼。甲喇章京碩祿將中路。分道合擊之。賊潰奔九宮山。大師薄山下。直摧中堅。入賊壘。賊兵俯首就殲。生擒自成妻妾及賊侯某。獨

索自成不得有降卒言自成敗走時領步兵纔二十人路爲鄉民所困自縊而死遣人往視其屍朽不可辨自成生死終未有實據

云後傳聞自成遁走江西有論議英親王是役也大小戰凡十餘合所過下河南湖

廣江南江西六十三城收降賊眾二十餘萬獲橐駝百隻馬羸六千四百匹有奇船三千一百餘艘黃金一萬四千五百餘兩白金五萬九千七百餘兩東珠二百七十餘顆珍珠一百八十餘觔金玉器飾皮幣衣服無算方大師之過德安也會固山額真祖澤潤輓紅衣袍至聞南中總兵毛某持檄至楚招撫流寇又、事隨移師擊之生擒毛總兵及副參將敗其兵四千人獲馬千匹師次九江明總

督袁繼咸、御史黃澍、司道李猶龍、寧南侯左良玉、子夢庚、總兵十
二員、馬步兵十萬人、俱艤舟江中、悉招降之、獲其船四千餘艘、閏
六月壬午、英親王阿濟格、馳勦冠捷音至、並奏以聞、辛卯、告祭郊
廟社稷。

上御殿受朝賀。八月，師還。行間功多者，貝子則滿達海、薄和、託春、
齊喀、固山額真則譚泰、杜審、吳賚、巴忒、馬覺、羅巴、哈納、蘇章、京、則
鼈拜、巴圖魯、哈寧、噶蘇拜、希爾根、查塔、噶達、渾阿喇、哈德爾、得黑、
薩克巴圖魯、俄內、巴圖魯、梅勒章京、則譚拜、阿喇善、索爾果、性、
西特庫、希佛、宗室、吳達海、噶布什賢、噶喇額真、則席忒庫、俱先後

論功封賞。英親王坐枉道緩師，并有他罪，降爵爲郡王。譚泰、鼇拜牽連得罪，解譚泰固山額真任，降爲昂邦章京。鼇拜罰銀，俱削軍功。不錄。

以下獻

順治二年冬，賊張獻忠據四川未下。朝命西安駐防內大臣何洛會爲定西大將軍，會勦四川而遣固山額真巴顏等鎮西安。何洛會未及入蜀，而逆寇孫守法、趙榮貴、賀珍等勾結賊兵數千人犯西安，圍其城。時駐防兵單不能支，勢甚危急。會、巴顏等率禁旅至，內外互擊，圍始解。守法等俱遁去。明年春正月，復命和碩肅親王豪格爲靖遠大將軍，偕多羅行禮郡王羅洛宏、多羅貝勒尼

堪貝子滿達海謹請將征四川兼勦西安一路賊孽。召何洛會還。三月守法伏誅。十一月復興安州大敗珍眾。秦省底定。方是時。王師在秦日久。絕口不言下四川事。獻忠亦不虞。王師之卽西也。志素驕。百里外不備。大將軍密與諸將計。宜乘其懈擊之。遂以是月統大師。由漢中府急趨蜀北。抵南鄭縣境。有前鋒擒賊生口。至。具言獻忠方列營順慶之西。充縣急擊之。可就擒。於是令昂邦章京鼇拜。巴圖魯固山額真準塔巴圖魯魯同噶布什賢及八旗擺牙喇爲前矛。每半隊各簡精銳一人爲後勁。大將軍親將滿州蒙古阿禮塔兵。居中馭之。銜枚疾走。一晝夜行三百里。黎明抵西充。

之鳳凰觀會大霧晝晦勒軍登山賊謀者知之馳白獻忠曰
王師至矣獻忠堅臥不爲動曰豈真從天而降耶或秦督孟喬芳
兵至耳一戰當立敗矣頃之王師逼賊營獻忠方在廢閭馬聞
急大驚倉皇麾所部馬步兵迎敵自乘所愛馬馳走不及擐甲有
裨將某馳射之員其智獻忠負創還營蓋拜準塔等鼓勇力擊大
破賊眾遂擒獻忠斬於軍前士民飲恨獻忠者爭往斫其尸於軍
門外不移時骨肉俱盡大將軍分遣諸將四出搜勦凡破賊一百
三十餘寨斬首數萬級收獲馬廐一萬一千二百四頭有奇金珠
皮幣等物無算十二月捷聞四年春告祭郊廟社稷免朝五年正

月師還二月。上御太和殿宴勞之。在事有功將士。下所司敘賚。

龍拜巴圖魯固山額真覺羅巴哈納。肅章京車爾布。學士蘇納海。

等皆坐。肅章京希爾根軍中爭功。失察停賞。肅親王亦坐他罪不

錄功。順治十三年九月。因山額真朱馬喇請追敘肅親王。羅

洛宏先以病卒於軍。嗚呼。以流寇逆敵之張也。至於篡竊神器。傾

覆明祚而。王師既下。則百萬巨寇。曾不足以當一旅。豈非天哉。

初。羣寇烽起。張獻忠實稱渠帥。李自成方依闕。王高氏與諸闖將。

伍。未為劇寇也。及獻賊據房竹山中。自成往依焉。獻賊謀殺之。自

成遁入蜀。歲己卯。自蜀潛入豫。破洛陽。始稱闖王。辛巳。朱仙鎮明。

兵○失○利○而○後○闔○勢○益○熾○壬○午○遂○決○河○灌○汴○自○是○靳○黃○諸○寇○皆○爭○附○
闔○而○楚○省○諸○郡○以○次○告○陷○矣○甲○申○之○變○距○其○稱○闔○王○甫○六○年○而○明○
之○亾○也○忽○焉○自○古○盜○賊○之○禍○人○國○未○有○若○斯○之○酷○者○也○睿○親○王○提○
師○入○關○一○戰○而○破○賊○眾○二○十○餘○萬○賊○膽○落○不○能○復○支○倉○皇○西○遁○復○
為○豫○親○王○所○敗○嗣○後○計○無○所○出○展○轉○於○秦○楚○豫○章○之○間○而○英○親○王○
又○率○兵○躡○其○後○轉○戰○襲○擊○凡○六○閱○月○而○賊○眾○盡○殲○嗚○呼○非○
天○威○何○以○及○此○獻○賊○之○滅○後○自○成○一○年○論○者○謂○生○民○多○難○致○使○逋○
誅○遺○寇○復○逞○其○毀○肢○折○骸○之○慘○而○肅○親○王○指○戈○歷○境○賊○旋○授○首○視○
自○成○之○滅○為○倍○易○今○諸○親○藩○建○旄○之○烈○行○間○將○士○戮○力○之○勳○具○在○

國史回視前明君臣以全盛中原早夜圖賊而卒無救於覆亡之禍國運去而人事之顛倒隨之可爲三歎語云天之所滅不戰而自屈諸臣應景運而興驅除逆天之寇雖智勇過人亦憑藉朝廷威力者厚歟

闖獻二賊不過爲 興朝掃除暨

眞主出則上天之殺運已收下土之元氣將復賊又以久疲之眾當初至之鋒故所至破亾疾於秋風之掃籜也文敘次簡明無一長語眞大手筆

○紀陝西官民殉難事

前明崇禎十六年癸未流寇勢日猖獗。時孫尚書傳庭總督三邊。授尚方劍。許便宜行事。傳庭才具揮霍。顧操下急。失將士心。是年冬。率兵擊寇。過於河南之郟縣。三戰三北。賊兵乘勝西下。遂破潼關。傳庭死於軍。監軍道喬遷高及於難。遷高初由鞏昌守。趙補監軍事。傳庭之鄉人也。潼關既破。省城軍民駭亂。開門降。巡撫馮師孔按察使黃綱。巡道周維新。俱自縊。長安知縣吳從義。命家人某盡殺其妻孥。衣冠望闕拜。赴井而死。其家人亦自刎。咸陽副將劉元山。賊至不屈。接戰數日。力不支。死之。至是賊勢益張。各郡縣皆

望風迎順賊乃僭號收元分遣賊將襲榆林寧夏甘肅寧夏最先

降賊軍道經慶陽守道段復興嬰城固守比破盡焚其家屬親提

刀巷戰手刃十數賊力竭自刎賊至榆林總兵李昌齡

涼州鎮香生員改督

武以功應戰數日軍食盡外援不繼城破率城中人乘夜走邊外

賊躡其後一戰被獲賊迫之降且誘爲前鋒寇北京許以封侯昌

齡曰有人臣引賊而攻其君國者乎真天不覆地不載矣賊怒竟

殺死甘肅總兵馬燭

山西代州人

先以傳庭令馳詣軍前援勦比至而

會城已陷燭孤軍不能自立於是勅兵還鎮過鞏昌召副將歐陽

滾議曰今與君暫歸河西調遣士卒嚴守皋蘭保護肅邸可以徐

圖○恢○復○滾○如○約○卽○攜○眷○屬○偕○熿○赴○甘○州○是○時○人○心○惶○惑○熿○飛○檄○調○
諸○路○兵○無○一○應○者○及○抵○甘○州○距○城○不○百○里○巡○撫○林○日○瑞○福建人疑○熿○
已○附○賊○閉○門○不○納○熿○遣○使○賚○符○印○送○日○瑞○因○對○諸○將○大○慟○曰○熿○今○
進○退○無○路○獨○有○一○死○耳○汝○等○皆○去○吾○不○能○復○保○汝○矣○熿○哭○眾○軍○皆○
哭○日○瑞○聞○之○馳○騎○迎○熿○入○商○固○守○之○策○未○幾○賊○將○賀○三○風○子○者○兵○
薄○甘○州○峽○口○熿○與○日○瑞○堅○誓○死○令○副○將○郭○天○吉○榆林人偕○滾○率○兵○
迎○擊○以○遊○擊○哈○維○新○都○司○萬○岷○為○策○應○賦○遺○書○誘○天○吉○降○不○聽○與○
賊○遇○於○新○河○灘○初○戰○勝○負○未○決○越○數○日○賊○兵○益○增○勢○不○能○敵○棄○賊○
退○走○甘○州○城○意○欲○調○集○番○彝○再○戰○乃○援○未○至○而○副○將○崔○某○以○夜○半○

援賊兵登城而甘州失矣。熾聞城破舉火焚家屬自帶佩刀見賊
抗手上坐叛將崔某在側熾指之大罵曰負國賊世受國恩何忍
至此賀賊語熾曰今日何以奉教於先生熾解佩刀與之曰以此
教汝殺我須用吾刀而○有○之○因謂熾曰瑞我等皆國家大臣除一死更復
何言隨拂衣起北向再拜再○拜○賊曰速殺我賊竟取所與佩刀殺熾
并殺日瑞繼賊見天吉笑問之曰岐口之戰汝即今日奈何天吉
罵不絕口與頤俱被磔維○新○及○部○司○高○登○科○同知藍臺通判鄭安
國俱自刎滾合室自焚其時同與難者流寓則原任肅州道劉佳
貞在籍則通判陳嘉績知縣段自宏陸一桂俱至死罵不絕聲

兵王汝金、趙官羅俊傑、副將劉國柱、劉國棟、參將哈俊、遊擊李如璋、趙用彬、任汝威、呂承宮、張應舉、楊威、都司守備曹爾謙、趙宗祀、景桂、芳、陳一魁、賀圖麟、王嘉官、蕭榮華、蔡俊、世職指揮千百戶鄭世壽、傅完祚、毛國泰、趙應魁、汪世爵、皆各擁家丁血戰而死。生員吳伯廷、童士楷、義民梁進德、節婦董氏等，皆以不屈盡節。時癸未十二月二十七日也。順治三年，甘撫黃公圖安會列名請卹而未悉其事實。余友何君獻瑞言：李公馬公被難狀較詳。因據所聞書之如此。嗚呼！明之亾也，文吏以僕隸視，將帥朝士以秦越視，封疆之臣羽書旁午，闐然無一應卒，致烏合之勢如燎原之不可撲滅。

可○悲○也○夫○潼○關○敗○虜○八○郡○望○風○而○靡○河○西○孤○壩○遠○寄○邊○鄙○其○不○能○
以○一○木○支○大○厦○諸○將○士○窮○不○知○之○然○而○登○陴○固○守○臨○難○協○心○迄○乎○
力○窮○就○縛○抗○手○唾○罵○剖○肝○屠○腸○略○無○怖○色○豈○歐○陽○氏○所○謂○忠○義○之○
氣○獨○出○於○武○夫○戰○卒○者○歟○及○今○三○十○年○而○其○英○烈○炎○炎○如○嚴○霜○皦○
日○真○可○與○顏○段○張○許○爭○不○朽○於○青○史○矣○

敘次如見如聞議論有聲有色其人不減顏段張許其文亦不
減馬班陳范

○ 紀順治間錢糧數目

從來創業之主。享有勝國之資。不煩征斂。而國用滋富。漢之承秦。唐之承隋。明之承元。皆是道也。惟宋當五代紛爭之後。海內衰耗。差遜漢唐。而左藏之庫。積金如山。則猶有餘蓄焉。前明之末。批政厲民。始以軍興。旁午議加。遼餉繼以民貧。盜起復加。勦餉繼以各邊抽練。復加練餉。催科無藝。中外蕭然。迨國家以仁義之師入關。靖寇而中原赤子。業已折骸斷骨。於百戰之餘。其所謂內庫之帑藏。又已盡罹賊劫。蓋寶遺我一空虛之國也。

世祖章皇帝既定大業。衽席疲民。下詔首除三餉。如拯焚溺。繼

定賦役全書一準前明萬歷中年舊額。稅斂亦綦薄矣。獨是多方未靖。虎旅四征。今年下兩浙。明年定八閩。又明年克楚蜀。克兩粵。輦金輸粟。相望於道。方順治八九年間。歲入額賦一千四百八十五萬九千有奇。而諸路兵餉。歲需一千三百餘萬。加以各項經費。二百餘萬。計歲出至一千五百七十三萬四千有奇。出浮於入者。凡八十七萬五千有奇。至十三年以後。又增餉至二千萬。嗣又增至二千四百萬。時額賦所入。除存留項款外。僅一千九百六十萬。餉額缺至四百萬。而各項經費。猶不與焉。國用之匱乏。蓋視前代爲獨甚。而我

先皇帝愛民如子必不忍爲苟且目前之計於額賦外少加毫末
汰冗員抑繁費躬行儉約爲天下先自親政以後在宥十年未嘗
興一不急之工採一玩好之物軍需浩穰悉取給於節省之餘而
發帑金以賑凶荒賜田租以甦病困數歲之中詔書屢降自古
開創之主寬仁恭儉未有若斯之盛者也謹錄十七年歲入之數
如左後之覽者仰惟

先皇帝忠厚開基損上益下其經營締造之難如此庶幾
聖子神孫席履豐盛而益務息民重農減征寬賦其司國計者壹
意以稟法師儉輔導

聖明則

祖宗樽節愛養之物力不致委棄於土木甲兵而人殷物阜可與成康比隆也已

意思深長筆力遒勁

昭代樂章恭紀。

順治元年八月

世祖章皇帝車駕至燕京。九月朔，卽皇帝位。將以十月，告祭天地宗廟社稷。時樂章未定。大學士臣銓、臣承疇、臣陞、上言：郊廟社稷樂章，前代皆各取佳名，以昭一代之制。漢魏曲名各別，不可枚舉。梁用雅，北齊及隋用夏，唐用和，宋用安，金用寧。元郊社用成，宗廟用寧，明用和。今我一朝削平，寇亂以有天下，有與萬邦黎獻共享太平之義。樂名更宜用平，其節則郊社九奏，社稷七奏，宗廟六奏。制可爰命翰林諸臣分撰樂章，撰定。太常寺頒示樂舞諸生，以

時肆習焉。今考各壇廟樂其辭明肅簡穆。取乎遠將享之。枕洽幽明之德。而非靈芝宛馬白麟赤蛟諸歌。誇奇瑞於天神人鬼之前者。可比此所謂古樂之遺音。宮懸之雅奏也。而臣愚竊維廟樂始於三頌。詩序所謂美盛德之形容。以其神功告於神明者也。商頌自有娥及契。以迄成湯。武丁周頌。自后稷太王。以及文武成康。皆發揚其文德武功之盛。以達於詩歌。藏於太府。漢郊廟詩樂不及祖宗之事。則班固譏焉。晉泰始中。傅元製登歌七章。分祀七廟。自是歷代相沿。皆各有廟室之樂。蓋禮不忘其本。樂樂其所自。生古之義也。洪惟我

太祖高皇帝肇造丕基臣服之國三十有二

太宗文皇帝益纘而光大之迄

世祖章皇帝底定方夏混一寰區文德武功皆前代所未及謂宜各製廟樂發皇盛治庶幾祖宗艱難創垂之烈得以昭示來茲而徒取籩豆祿享之辭徹諸神聽得毋于形容盛美之誼猶有缺焉者與謹按典制元會樂作於殿上名曰莽式所陳皆昭代故事率以滿洲舊臣充其選有旌旄弓矢躍馬蒞陣之容有屈伸進反俯仰疾徐之節特以歌辭無漢音未遑頒之太常俾樂工肄習臣愚謂應命儒臣援據其事撰譯歌詩爲

高廟樂

文廟樂而更益以入中原靖羣寇諸舞爲

世廟樂聲容悉備事實而律諧則太和洋溢之氣塞於宇宙而國運之浸昌浸熾可以預卜矣

各製廟樂以象功德其義本之班固前漢書樂志而文亦彬雅

張文貞公文錄卷二

京口張王書素存著

後學上高李祖陶欽之評點

高安曾定材備五校刊

○○○擬○嶽○石○拖○諾○山○恭○紀○ 聖○武○神○功○之○碑

皇○帝○受○天○景○命○撫○有○四○海○東○西○極○日○之○出○入○罔○不○稱○臣○奉○朔○修○職○
貢○惟○謹○而○厄○魯○特○鳴○爾○丹○獨○自○越○於○生○成○覆○載○之○外○狂○逞○構○孽○以○
上○千○天○罰○於○是

皇○帝○赫○然○震○怒○以○康○熙○三○十○五○年○春○定○議○聲○討

上○親○總○六○師○從○中○路○入 命○領○侍○衛○內○大○臣○伯○費○揚○古○為○撫○遠○大

將軍會陝西將軍舒書博濟孫思克從西路入截擊賊後而盛京
黑龍江寧古塔諸路則各驕兵以須用備策應二月癸丑以師期
昭告天地宗社在京幾務悉屬西守綜理焉丙辰車駕發京師
皇子侍戎行者咸分筦軍事師出獨石口跋履沙磧踰喀倫經拖
陵渡克魯倫河賊懼遁追奔遂北直抵拖諾山凡歷程三千里五
月戊辰旋師而西路大軍卽以是日邀擊賊兵賊大敗散以二十
餘年久習戰鬪橫行塞外之勁寇天戈所指甫七十日一舉而
草薶禽獮之成功之速制勝之奇古所未有臣玉書幸與扈從獲
覩盛事紀實勒銘以垂永久是惟臣職謹按厄魯特與喀爾喀同

屬奉貢之國。彼此交鄰。致興兵革。喀爾喀七旗皆潰。叩邊請內附。而噶爾丹修怨不已。輒恣攻劫。抗悖。諭旨。蔑棄誓言。自闕入克魯倫河。脅掠納木查爾托音。迷偃處土喇克魯倫交近之地。虐我使臣。擾我邊境。煽惑我諸外藩蒙古。肆惡極矣。假使及今不早事撲滅。勢必滋異。且西北緣邊之患。方二十九年秋。

皇上曾用密策。誘噶爾丹至烏瀾布通。距京師僅七百里。爾時眾軍合為奮擊。可使隻輪不返。顧乘輿未親。蒞軍致賊。得以詭遁。皇帝深念狡寇。叵測。不以天威臨之。弗克剪刈。所由廷臣交章乞。而宸衷內斷。決計親征。職是故也。出師以後。經行兩月。屢遣。

謀潛往偵賊。至五月朔，師次拖陵。始知賊向伏克魯倫河。

上大悅，命入旗及前鋒火器綠旗蒙古諸營兵，舉會圖示陣法。紀律加嚴，旛旌之盛，士馬之眾，彌山溢谷，絲亘數千里。外藩君長無不相顧駭怖，而噶爾丹方謂道阻水涸，大帥必不能猝至此。

聖恩曲宥，賊俘命隨我使臣賞。勅旨告以至尊親臨，趨令嚮順。猶曰：皇帝不安坐中國，能飛渡瀚海耶？及登高阜，瞭視

天子旌麾，乃大驚。且謂與烏爾布通之師異甚，顧懼罪不敢面縛。乞降，竟棄克魯倫河，指土喇河而遁。克魯倫河爲塞外巨浸，水草豐蔚，足資戰守。上初意賊欲拒戰，必據河前。一夕，飭軍中擐甲。

戒嚴且密授諸將方略。既至，顧謂侍臣曰：「賊懼怯，不知據此河，其無能爲明矣。」亟統軍追之，約賞而行。越二日，至克勒和朔，賊所棄。羶廬鐵甲釜餽之屬，不絕於道。又二日，至拖諾山，俘獲生口，言賊晨夜倉皇奔迸。今當越土喇河。於是上諭諸大臣，謂西路大軍刻期抵土喇，必已躡賊。後賊雖遁，亦無復之。今所急餽餽耳。當旋師，經畫兩路軍食。越日下令：「上統中路大軍還，而特遣領侍衛內大臣馬思哈爲平北大將軍，將精銳逼之。於時噶爾丹方從土喇鼠走，至昭木多，適與西路軍遇。大將軍費揚古偕孫思克督諸將，連擊自未迄。西俘斬數千，追擊三十里，略獲子女及牲畜軍仗。」

塤委山積。噶爾丹僅以殘騎跳身遁。夫當用兵之始。

越險

皇上卽定計遣西路軍先入。比師旣載道降。手諭至費揚古軍中。馳問師期者。使命不絕。時或疑荒塞曠邈。恐遮道擊賊。未可必得。至是乃歎。睿謀周悉。不啻坐照萬里。然非

與○前○已○集○與○未○從○和○承○敗○致○通○相○應○

皇上躬統大軍。直逼賊巢。安知狡謀詭計。不更從他道奔軼。是賊之潰敗於西師。乃中路大兵扼賊之吭。擊而付諸西路將士。使其尾擊而殲滅之者也。猗歟盛矣。昔史稱戎狄荒服。謂其來服荒忽無常。時至時去。故歷代成功北塞者絕少。又稱砂磧千里。冬風如割。夏風如焚。人跡罕有。至者茲以師徒數十萬。鐵騎蹙蹙深入。無

人之境。如行內地。自始出。以至旋師。虜功克奏。無一困憊。何古難而今易耶。仰惟

皇上除暴救民之念至殷。且切師中往返十旬。觸冒寒暑。躬歷勤勞。日御一餐。飲惟濁水。沙陀樹坂。且騎且步。每有羣下不能堪者。上怡然處之。最優恤者。軍士最慎惜者。馬力最早計者。轉輸最塵念者。水草調給。衣廩頒賚。履駟而軍心悅矣。風雪必謹飼秣。必時而馬力紓矣。中路之轉餉。多方協輓。而軍無匱食。西師之饋。疲適資。寇糧而士得宿飽。大漠之區。不毛之士。兼以冰雪凝沍之時。素無井泉。而泉忽溢湧。素無茂草。而草皆叢生。師行所至。每獲非常。

靈○異○之○助○此○豈○人○力○所○能○至○哉○天○祐○之○矣○在○易○之○大○有○上○九○曰○自○天○佑○之○吉○無○不○利○孔○子○曰○禘○者○助○也○天○之○所○助○者○順○也○人○之○所○助○者○信○也○惟○我

皇○上○北○征○一○舉○順○天○而○乎○人○斯○天○意○與○聖○心○兩○相○符○合○山○川○百○神○莫○不○協○應○臣○敬○撰○銘○詩○而○示○奕○虞○使○知○我

皇○上○布○昭○聖○武○赫○誦○家○億○萬○世○靈○長○之○祚○者○無○非○奉○天○道○以○行○王○事○三○代○而○下○無○足○媿○儼○銘○曰

惟○天○不○覆○春○生○秋○肅○化○彌○宇○宙○惟○聖○法○天○仁○育○義○正○道○洽○垓○埏

聖○恩○浩○穰○重○譯○畢○至○莫○敢○不○來○享○聖○威○如○霆○四○征○弗○諛○莫○敢○不

來庭。蠢爾狡寇。僻處窮荒。肆擾邊堠。悖天虐氓。蔑視拒命。洵啓逆
萌。相彼狂陞。恩不可懷。德不可結。度彼凶謀。如虺斯螫。如苗有蠹。
天子曰。吁。蔓草易滋。予其亟圖之。師難遙制。克敵在機。予其親蒞。
之。乃籌軍幄。諸路並馳。或倚或角。乃刻師期。中夏畢會。勿疾勿遲。
乃命轉粟。載輸載輓。勿憚破疥。乃命度泉。載浚載鑿。罔避深堅。乃
治道途。乃設郵譯。我軍用蘇。乃置斥堠。乃謹羅偵。敵情斯售。廟謨
備矣。明誓六師。所向迅驚。昭告神祇。以禡以軼。百靈咸熙。爰建旌
旂。爰蒐卒乘。爰飭戈矛。前茅戾止。中權銳止。後勁厲止。虎旅嘽嘽。
捷若風雨。奮若羽翰。軍聲烈烈。翦彼鴟林。驟彼鼠穴。彼昏實愚。謂

茲砂磧泉涸草枯。王師不撓有象自天。馬騰士飽彼昏實憊。既
覩王師駭自天降。捲甲而遁宵遁如鶩。棄及乳雛西師洗洗遠
涉瀚海注矢天狼。狼奔甫屆軍鋒大塵移時立敗。俘乃甲兵籍乃
軍械。飼乃牽牲幕庭犁矣。賊眾攜矣斯授首期矣。旌門獻捷眾聲
若雷。宸謨悉協。

天子曰俞。自茲邊鄙庶無後虞。絕塞無垠縱橫掃蕩不逾七旬。邊
沙如壘建威銷萌何翅萬里。維山逶迤式名拖諾黃鉞是麾於茲
停蹕於茲振旅允宜紀實我皇決勝眾議勿滂羣疑勿聽我
皇握樞效順則撫構逆則誅威以仁行謀以智神功以成肆殊

方重譯。歷世千億。永覩茲石。

首段槩括大概。極有體裁。中間敘明原委。大計深謀。宛如目擊。後段歸美君上。只用一筆。寫出濡染淋漓。銘詞三句。一轉仍復。隔句用韻。與昌黎平淮西碑異曲同工。並有千古。

。誥授光祿大夫勇略將軍總督雲貴兵部尙書兼都察院右副都御史世襲一等精奇尼哈番諡襄忠趙公墓誌銘

康熙三十六年三月四日光祿大夫勇略將軍趙公以疾薨於寧夏里第時車駕方西征聞奏震悼比從橫城口濟河下諭內閣部院諸臣勇略將軍趙良棟爲國家宣力奮庸厥功懋甚倏以疾逝朕深憫焉茲師抵朔方道經其門欲令皇子臨視奠醊可集議以聞於是臣等偕諸臣言皇子親臨臣下之喪曠世罕有將軍臣良棟膺茲異數豈獨一家之私榮凡百臣工無不感激隕涕明日次寧夏皇子臨喪舉哀賜奠如禮閏月復頒諭祭文遣大

臣致祭其子道臣宏燮中書臣宏煜先後詣行在謝恩

上皆召見撫慰之又數月允禮臣請以例予祭葬賜諡襄忠嗣總
戎宏燦歸自黃巖乃卜冬十二月日葬公於城西二十里某原而
乞銘墓石於予予辱交公久素悉公歷官制軍忠勇大節與其生
平慷慨質直強毅不撓之氣嘗私竊歎羨以爲古名將所不及而
聖天子推心置腹眷倚之重以及自始迄終恩禮之隆尤足以獎
勵功勲爲勞臣白首効忠者之勸余雖不敏敢不據所見聞摭拾
其梗概而次敘之公字擊之號西華先世自陝西綏德衛遷居安
邊逮公官寧夏因家焉故今爲寧夏鎮人曾祖某祖某父某官海

州參將皆贈如公官曾祖妣某氏祖妣某氏妣某氏皆贈一品夫人公少工舉子業。頃倜儻有大志。不屑束縛章句。遂仗策從戎。順治二年。隨和碩英親王師入關中。受知於制府孟公喬芳。署潼關守備。從征賀珍武大定等賊。又從定寧夏叛兵之變。因署其地。屯田水利部司。四年。領兵平河西。迴亂。又單騎擒肅州僞總兵丁國棟。擢補高臺遊擊。十三年。王師入滇。以雲貴督標副將從征隴西諸苗。康熙元年。積功授都督僉事。充雲南廣羅總兵官。是時吳三桂專制滇南。所補用官吏。詔部臣不得掣肘。於是三桂調公貴州。比喇鎮。令進勦水西。公方丁外艱。力辭不許。四年。水西平。乃

聽終制三桂中藏叵測以牢籠人才爲務惟公先幾之哲不爲用云八年補大同左都督十一年調天津明年冬滇逆變作四方叛賊蠡起寧夏亂兵劫殺其主帥勢甚猖獗十五年春特命公提督寧夏馳傳往鎮撫之公見上詞氣激慨請移家口居京師得一意辦賊上壯其言隨命賜第公至鎮集將佐宣布德意捕斬首亂四人餘不問邊境遂安公駐朔方四戰念關中粗定而漢南巴蜀猶阻聲教自請率步兵五千獨當一路進取漢興恢復蜀地詔下軍前諸大臣集議僉言大軍宜分興安棧道入堵山小川子四路並進需兵五萬人公曰兵貴精不貴多也自將五千人指八

堵山徑入十月破密樹關取徽州復略陽分遣裨將趨陽平關覘賊虛實勸條上萬兵進餉事宜請兩路收川報可特授公勇略將軍十九年正月朔公師臨白水壩與賊夾江而陣江流湍湧無舟楫將士有難色公怒誓於軍曰視我馬策所指敢後者斬撥甲躍馬浮江而渡一軍皆渡賊駭愕奔潰追擊之於青山石碛溝厯舊州明月江屢戰屢捷甫十日遂抵成都先鋒奪門入公下令毋剽掠整軍登陴而肆晏如在城僞官及逆兵數千人疑懼不自安公悉以迎降奏釋眾皆感悅越數日奮威將軍王公進寶亦報保寧之捷東西川以次收復事聞

天子薛溫首勞軍以御書題額及弓矢藥韃名馬之屬先後頒賜甚渥是時湖南粵西方併力進師規取雲南上念巖疆緩靖制府需人非得謀勇素著操履潔清兼資文武大略者不克勝任遂授公兵部尙書兼都察院副都御史總督雲貴將軍如故而以公之子宏燦爲寧夏總兵官隨軍進勦自收蜀以後苞孽尙繁公經營一載反側者始定二十年三月追勦逆渠胡國柱於觀音巖十丈孔破關山象嶺渡瀘江七月復取建昌乘勝渡金沙江九月乃入滇時楚粵之兵已圍滇省城數月顧持久不能拔公周視壁壘謂結營遼遠賊得番息法當移軍逼之選入川精銳五千親冒

矢石取玉皇閣進逼新橋賊方據橋扼守復以計從上流濟師晝
夜力攻凡八日而城下逆賊踞滇日久私斂充徇一時諸將雲集
多志在攘掠惟公飭所部卒勿以一騎入城既奏凱卽懇請陛見
移師曲靖以待命嗣後贖貨者纍纍致敗而公獨矚然無滓其遠
識確守卓然有古大臣風烈焉公於時已年踰六十

上念公久勞於外特允入朝二十一年冬授鑾儀衛使踰年請疾
歸里二十七年以國恤會葬詣闕下三十年厄魯特噶爾丹蠢動
邊塞大軍駐朔方詔公以在籍老臣預議軍事三十三年禁旅
出塞公偕行指畫地勢兼以私財佐軍既還復詔入朝明年追

論前功特加一等精奇尼哈番世襲是年秋就醫江南賜御舟給驛三十五年復召入朝時上決策統師北征諮邊事甚悉公因疾不果從比及師還遂賜歸明年西征上方欲就詢公於里第而公竟不及待嗚呼是可悲也公結髮事戎五十餘年大小戰數百未嘗敗衄御下嚴而有恩觸法者雖小必罰有才略堪任者抗疏引薦常自備糗積至大帥軍中甘苦與共一飲食不以自私入蜀之役裹糧涉險轉戰七千餘里而士卒咸樂爲盡死無一怨言其能結士心如此故所向有功性抗直同事多不相下功成以後恭閒者日眾惟上知公深嘗格恩賜出賜維護自蕩平三

逆○以○來○閱○十○五○年○矣○復○廛○詔○旨○鋪○陳○本○末○於○平○蜀○嘉○倡○進○之○謀○
於○克○滙○與○虛○潔○之○稟○於○是○公○之○勞○積○久○而○益○明○而○其○行○履○卓○犖○無○
疵○亦○得○軫○然○仁○著○於○國○史○是○公○得○全○其○身○與○得○全○其○名○皆○

上○恩○也○百○世○而○下○聞○之○猶○爲○感○奮○太○息○而○况○於○公○乎○而○况○公○之○子○
若○孫○乎○是○用○備○書○以○示○來○裔○公○生○於○明○天○啓○元○年○十○月○距○薨○得○年○
七○十○有○七○配○郭○氏○繼○配○李○氏○白○氏○贈○封○俱○一○品○夫○人○子○五○人○長○宏○
燦○以○左○都○督○充○浙○江○黃○巖○等○處○總○兵○官○次○宏○燮○御○史○宏○煜○內○閣○中○
書○宏○煒○宏○熾○尙○幼○女○三○人○長○適○庾○子○舉○人○強○振○猷○次○適○候○推○副○將○
郁○起○雋○次○適○一○等○侯○江○南○提○督○張○雲○翼○孫○六○人○公○治○家○如○治○軍○闔

門嚴肅。儼若公府。諸子屏息侍立。無敢有跛倚之容。以是總戎憲副。所至有政聲。中書亦明敏練達。皆仰荷宸眷云。銘曰。

天翊景運。篤生人傑。桓桓趙公。威武維烈。早歲仗策。從王於征。手執螿弧。目無堅城。爰制中權。爰總戎律。嚴明有威。卒伍整密。三秦叛亂。將騎卒狂。風馳塵驅。迅掃欃槍。巴蜀如焚。滇黔如悞。獨提孤軍。鼓行而南。銜枚宵濟。莫敢齟齬。直入蜀郛。前歌後舞。蠶叢既定。揚帆渡瀘。環城三匝。拉朽摧枯。賊首朝授。降幡夜豎。氛祲盪滌。復我疆土。凡此大功。

帝曰。爾庸事紀。簡冊銘勒。鼎鐘大官。授饒尚衣。賜服彤弓。盧矢。驂

騶○驪○驟○公○之○來○朝○。天○子○燕○喜○公○之○既○歸○。天○子○拊○髀○國○有○大○事○。
爰○詢○爰○謀○公○徐○一○言○等○於○圖○球○公○之○材○武○如○羆○如○虎○公○之○智○略○如○
風○如○雨○公○之○精○誠○如○火○弗○滅○公○之○勁○直○如○鐵○靡○折○持○其○孤○忠○以○報○
一○人○白○首○不○挫○厥○聲○斷○斷○惟○。天○子○明○獎○乃○勳○勞○生○有○殊○恩○歿○有○
厚○褒○以○勞○定○國○以○死○勤○事○。主○聖○臣○忠○近○古○莫○二○懸○觀○載○籍○如○公○
不○朽○納○銘○幽○宮○垂○示○永○久○。

趙將軍有才有爲有守在古名將中亦不多觀文於平蜀之謀
平瀆之操表章鄭重史筆燦然

○○予告光祿大夫少傅兼太子太傅保和殿大學士兼禮部尚書諡文靖王公墓誌銘

宛平王公在政府二十年而予告又二年而薨於里第時

車駕方南巡聞訃震悼命賜卹如制及還京詔皇子率大學士

馬公偕禁近諸臣臨公喪且奉諭旨王行三叩禮舉哀奠醑不

循常格蓋自四十餘年以來

世祖章皇帝舊臣先後徂謝惟愍遺公之一老

皇上篤念老臣耆舊故恩禮獨厚於是玉書偕同官及九卿大僚

合詞陳謝而一時在廷諸臣及閭巷聚觀者無不欷歔感誦至於

泣下比閣中擬謚上請特予文靖謚法寬樂令終曰靖。本朝未
有謚者亦可謂象公惟肖矣。公幼穎異。成童時卽舉四書孝經疑
義質問於塾師。年十九舉順治三年丙戌鄉試。明年成進士。改庶
吉士。授檢討。翰林官兼習滿書者多不能精。詣奧。公天資高。踰
年而學成。

世祖屢試稱最。隨陞國子監司業。未幾進左春坊中允。纂修順治
大訓。十一年進司經局洗馬。召入南苑校譯大學衍義及勸善書。
十二年進右春坊諭德。明年初開講筵。充日講官。推左庶子。每日
直講。命坐。十四年春進宏文院侍講學士。充經筵講官。尋進宏文

院學士時文貞公方任國史院學士。

世祖諭曰。父子同官。古今所少。以爾誠恪。特加此恩。明年主武會試。調翰林院掌院學士。兼禮部侍郎。十六年。教習戊戌己亥兩科。庶吉士十七年。考滿。加禮部尚書。文貞公方長禮部。父子同部。尚書海內以爲榮。十八年元日。

世祖不豫。公日請安於御榻前。初六日。漏三下。召入養心殿。諭曰。朕勢將不起。爾可詳聽。朕命撰詔書。公匍伏飲泣。筆不能下。世祖令抑悲痛。卽榻前起草。公拭涕書一條進。恐聖躬過勞。奏於清乾門下撰擬。凡三次進呈。至初七日薄暮。膳畢而

世祖卽以是夜上賚公偕顧命諸大臣入哭一痛幾絕至於面奉
憑几之言有事關國家大計與諸大臣再三密議而後決者公終
身不以語人雖子弟莫得而傳也十二月以尙書管禮部左侍郎
事康熙五年擢都察院左都御史公侃侃舉職知無不言於時一
歲賦入半耗於兵餉而雲南閩廣三藩所駐之地尤甚公首陳裁
兵節餉之議謂滇黔業已蕩平兵額急宜汰減詔下所司議省
額餉百餘萬又言江楚諸路王公將軍提鎮自置官商漁奪民利
宜嚴飭禁革官吏捐輸名出私囊實取自民間宜一切報罷招民
百家得授縣令不肖奸人往往借資爲市宜改給散秩凡所條上

皆深得治體。會天旱，金星晝見，公言：

先帝御極有年，諸曹政務皆經斟酌詳盡。數年以來，變易成憲者多矣。法屢變則弊叢生。今

皇上當屬精圖治之始，法祖所以敬天。請勅各衙門詳察見行事例，有因變法而滋弊者，悉遵舊制更正。於是酌復數十事。中外稱便。七年，進工部尚書督理宮殿大工，屢著勞績。十二年，轉兵部尚書。是年議撤三藩。十二月，吳三桂反雲南，日赴內廷議用兵機宜。十三年三月，密疏請誅逆子，應熊言逆賊三桂負國深恩，肆虐滇黔，流毒楚蜀，散布偽劄，煽惑人心。今大兵已抵荆南，元愨旦夕授

首○獨○是○逆○子○應○熊○素○憑○勢○位○黨○羽○眾○多○擅○利○散○財○蓄○養○凶○命○匪○類
依○附○實○繁○有○徒○應○熊○既○被○羈○守○而○流○言○繁○興○訛○傳○不○止○奸○謀○百○出
未○易○周○防○大○寇○在○外○大○惡○在○內○若○不○早○斷○恐○滋○後○患○請○速○正○法○傳
首○湖○南○四○川○以○寒○老○賊○之○膽○以○絕○羣○奸○之○望○以○激○厲○三○軍○之○心○章
下○議○政○王○貝○勒○大○臣○九○卿○科○道○會○議○應○熊○旋○伏○法○方○滇○黔○之○初○告
變○也○一○夕○京○城○內○外○所○在○火○起○尋○有○偽○朱○三○之○獄○捕○繫○數○百○人○掠
治○不○得○主○名○皆○應○熊○及○其○黨○惡○為○之○三○桂○自○恃○鴟○張○之○勢○又○以○其
子○方○尙○主○朝○廷○必○不○殺○以○為○之○招○及○應○熊○誅○三○桂○驚○悸○發○疾○竟
以○是○死○人○皆○避○公○之○能○聲○大○義○云○十○七○年○居○文○貞○公○憂○二○十○年○服

閱冬雲南平。明年五月，卽家授保和殿大學士兼禮部尙書。於時逆氛初靖，民生甫離，兵革公與勅公、明公及李文勤公同在政府，務以和平寬大宣上德意，罷權宜之計，停加征之額，遵奉詔書次第興革，有應奏請舉行者，悉陳於上前。無隱時，玉書爲學士，請奉公教旨者一年。至二十九年，公與伊文端、阿文清及眞定梁公在閣，玉書以後進入贊機務，朝夕追從。八年有餘，中間合肥李文定亦共事二載。一堂之內，事應商榷，悉心折衷，始終無一疾言忤色，有如昔人所云推車子者。故以玉書之謏陋，亦幸獲無過焉。竊觀公立朝本末，不沽名，不市恩，不植黨，援不持意見，更事

熟○則○於○四○方○得○失○利○病○無○不○周○知○歷○諸○曹○久○則○於○國○家○典○制○沿○革○
無○不○洞○悉○每○論○事○闕○廷○指○畫○可○否○具○有○經○緯○聞○者○咸○敏○容○飲○服○公○
除事亦不企略若出焚之極傳憚子居手則更簡矣然大覺寂立
博○覽○強○記○手○點○二○十○一○史○能○隨○事○舉○述○大○義○而○絕○不○以○該○治○自○矜○
終當以此為正

撰○擬○文○字○屬○同○官○具○彙○點○定○一○二○字○深○中○事○理○詩○清○麗○不○事○藻○縟○
闡○明○理○學○而○亦○不○排○擊○二○氏○之○教○其○造○詣○益○宏○且○遠○矣○公○素○引○嫌○
不○欲○與○試○事○戊○辰○會○試○特○命○爲○正○考○官○取○沈○廷○文○等○百○五○十○人○
甚○洽○人○望○其○他○大○典○禮○如○耕○籍○大○冊○立○東○宮○陪○祀○闕○里○大○制○作○如○
纂○修○玉○牒○實○錄○典○訓○方○略○一○統○志○監○修○國○史○明○史○公○無○一○不○與○元○
日○元○夕○偕○滿○舊○臣○進○爵○御○前○侍○宴○內○殿○俱○出○自○特○恩○至○暢○春○

園賞花泛舟。賜遊賜食。則玉書皆得隨公之後。叨遇盛事者也。
三十一年。公以足疾請告。溫旨報曰。卿効力年久。自
世祖章皇帝時。簡侍禁廷。恪恭盡職。朕屢加擢用。游進綸扉。夙夜
殫心。勤勞自勵。今

先帝舊臣。俱已凋謝。惟卿獨在班列。雖精力就衰。而老成練達之
臣。常侍左右。殊有裨益。著勉自調。攝照舊供職。不必求罷。嗣後章
三上慰問如初。至四十年夏。疾大作。

上於行在。賜寶露禁藥。九月。又申前請。乃許致仕。比奏謝。特加少
傅。是冬。遣侍衛資賜帑幣上珍。明年上元節。賜譙於家。四月。遣侍

衛持手諭一道。賜於榻前。諭曰。卿者年舊德。歷官最久。自去歲告病在家。朕無日不注念老臣也。邇來九卿皆求匾額字對。想卿身雖在告。心未嘗一日不在朝中。故特書匾一面。對一聯。臨米芾書一幅。賜卿。卿其勉強餐食。輔以醫藥。以慰朕不忘舊臣之至意。仍傳諭病少愈。朕尙欲一見。故公遺疏言。冀臣病之再甦。許瞻天之有日紀。聖恩也。前後頒贊宸翰十餘幅。賜堂額三。今年上元節。復賜譙於家。公猶強起進一七箸。越四日。疾忽劇。至二十七日。遂薨。距生天聰二年戊辰七月八日。享年七十有六。公服官五十餘年。名成身退。善全終始。視司馬文正之在洛下。韓忠獻

之在相州庶幾似之而身依天闕恩禮獨隆則前人所未及也公諱熙字子雍一字胥庭先世居任邱高祖贈官保公龍始著宛平籍曾祖鎰祖愛明本生祖爵俱以文貞公貴贈光祿大夫太子太保禮部尙書公貴加贈曾祖祖如公官文貞公諱崇簡歷官光祿大夫太子太保禮部尙書公爲大學士加太子太傅亦贈如公官曾祖妣某氏祖妣張氏焦氏妣梁氏俱贈一品夫人公年十二梁夫人病篤禱於天願減算以益母壽文貞公捐館公踰五十矣號泣如孺子顏書屋曰慕齋天性孝篤如此兄弟六人友愛無閒布政使然金衢守道照皆以公推廢起家者也元配金氏繼劉氏俱

贈一品夫人繼董氏封一品夫人子六人克善雲南驛鹽道僉事
側室宜人出前卒次克勤幼卒次克昌刑部河南司郎中董夫人
出克宏歲貢生候選主事克承克膺俱幼側室出女十人廕生章
雜貞河南按察使胡介祉衍聖公子孔傳鐸監生顧寧緯其壻也
餘俱幼孫五人景會庚辰進士翰林院庶吉士克善出繼會歲貢
生候選主事企曾式曾則會俱克昌出克昌將以十一月十九日
葬公於畏吾邨之祖塋而屬玉書銘於墓石公與先大夫同舉丁
亥進上玉書又宿附門牆之末晚在政地復知公深誼不敢辭乃
節錄韓慕廬宗伯所爲狀而敘次之銘曰

巍巍王公惟帝之弼。夾輔兩朝。其德克一。文章琬。穀謀謨。著龜
導揚。玉几密贊。彤帷內表。百僚外靖。三孽刑清。兵偃。遠安。邇悅。五
十餘年。敬慎篤誠。相業房杜。家聲韋平。帝眷舊勞。曰予元老。番
番黃髮。弗祿壽考。老成在列。蔚爲國華。固請引退。養疴於家。手勅
慰存。中使問疾。庶幾霍然。扶掖造膝。台曜乍掩。喪我功宗。寵被異
數。用章殊庸。罷春輟相。都人爭誄。德盛令終。此惟臣軌。世濟厥美。
有穀永貽。歿而不朽。勒此銘辭。

文靖公一朝賢相。未入相時。所建白布置。皆關係國家大計。至
相業。則用渾寫一則曰。務以和平寬大。宣上德意。再則曰。悉心

折衷無一疾言忤色令千載下人讀之想見君明臣良政平事
理極唐宋元明未有之盛

處士臯盟申君墓誌銘

嗚呼。是為廣平處士臯盟申君之墓。君端愍公長子也。方順治壬辰癸巳間。

世祖章皇帝以節義風厲天下。詔諸司體訪前明死節諸臣。將特舉表忠封墓之典。於是諸司以故太僕寺寺丞申某名聞者。章六七上。顧流傳錯互。聞見異辭。或誤列太僕為自縊。君聞之。慮異日承譌。冀舛無以徵信。史乃從泥淖中。徒跣千里。赴京師。麻衣經帶。痛哭都市。具述其先人王恭。厥投井自盡狀。柏鄉魏公貞庵時在諫垣。業具疏白其事。會君至。而其言益信。所司既核實。遂蒙

特恩諭祭。葬墓田。易名端愍。一時輦下士大夫高君孝行。爭折節。與訂交。余之獲交於君。亦自此始。君既杜門奉母。手父遺書。且讀且泣。所與遊者。同里張命士。雞澤殷伯巖。仲涉兄弟。伯巖仕爲令。君遺詩以耦耕。招之伯巖。隨棄官還。君自髻鬣卽嗜爲詩。吐納百氏。不名一家。而音節頓挫。沉鬱激昂。一以少陵爲師。其所以師少陵者。悲愉吶嘯。無一不曲肖。而非世俗掇拾字句。以求形似者。所可比也。丙申後。持襆被爲山水之遊。余曾寓書於君。曰。蘇門孫徵君。今之程伯子也。君壤地相接。盍往一質之。君至百泉。以弟子禮謁徵君。徵君瞿然改容。劇談信宿。君自是得聞天人性命之旨。遂

不復爲詩。比余侍養里居。徵君遺余書。謂廣平天資明敏。入道甚
易。行將易浣花而濂溪矣。蓋君自謁蘇門以後。所造駸駸日上。嘗
語人曰。主靜不如主敬。敬自靜也。又曰。破得利字。方能入門。破得
驕字。方能入道。又論朱陸異同。謂朱遊大路。遲而穩。陸出便徑。捷
而危。其見理明而趨嚮正。如此君少時才氣迅發。人多畏避之。晚
年器宇嚴重。規言而矩行。如水之有防。如帛之有幅。始而憚忍者。
繼皆傾心折服。卒之前夕。猶召友語。至夜分。晨興。閱姚江集。復詣
兩弟。所極論省察克治之學。會聞客至。過歸。忽仆而逝。康熙十
六年六月六日也。距生前明萬歷四十七年十一月三十日。年五

十有九鳴呼蘇門既歿續其傳者無人。今君逝而吾道爲益孤矣。余初聞君訃卽爲詩哭君深以哲人既喪吾道未興爲憾。閱兩月而君弟孝廉親仲太史隨叔以君行略謁銘於余。余與君交誼之切如此何忍不銘。裝狀付之先世爲晉之絳人明初掖縣令庸始遷廣平八傳而至贈考功郎諱化是爲君祖。贈考功生端愍公諱佳音前明辛未進士。愍任至大僕寺寺丞妣靳封安人君諱福光字孚孟一字和孟。愍其號也。生而天資穎異能文章年十五補邑庠生。端愍公敷歷中外君侍養時爲獨多。既奉端愍諱遂絕意仕進以母命浮沈博士弟子中非其志也。歲庚子詔舉孝行有

司欲以君應君固辭有司不能奪辛丑貢入成均君投牒儀部謝
病歸戊申詔旨訪用隱逸魏公貞庵雅意屬君君復上書力辭
魏公咨嗟而止君出處之際侃侃中程如此著文四卷窗山詩四
卷荆園小語說杜性習圖義利說行於世嗚呼方端愍公之殉國
也太夫人斬垂白在堂仲叔兩孤幼未成立公從容蹈義一語不
及於私良以身後之事有君在耳惟君孝友篤摯喪葬盡禮勗兩
弟讀書取科第知名於時而自以潔修粹行見端愍公於九泉之
下是父是子天實陰相之以視彼彼蔽蔽幸生苟祿之徒不一
傳而聲華銷歇者豈直相徑庭已哉君娶盧氏天啓甲子舉人愜

免女子二類類皆君五十後所生類聘待御甯公爾講女女二銘

曰

溯源自姜別爲申。絲晉宅洛。鍾岳人嶽。嶽端愍國。蓋臣成仁。取義
式後昆。處士守道。甘賤貧。白首嘯歌。堅松筠。晚節益涉。濂洛律。鑄
顏者誰。惟蘇門大節。凜凜小物。勃道不絕。物差同塵。世衰俗敝。微
言泯。倚君力。挂狂瀾。湖少微一昔。星芒昏沒者已矣。生沾巾。銘君
墓石。隨重淵。于載不朽。真氣存。

首從表章端愍之節。紘起中寫其始。爲詩人繼講道學。末言其
出處之正。不愧前人。竟體雅鍊。如出歐陽公手。

。誥授光祿大夫吏部尙書文華殿大學士拖沙喇哈番謚文襄李公墓誌銘

康熙三十三年冬十一月文華殿大學士武定李公薨於里第訃聞

天子眷念勞臣。輟朝軫悼。詔所司議飾終之典。賜祭賜葬。悉從優渥。比易名奏上。特予文襄。木朝文臣自洪南安以後。稱文襄者。至公而再見。一時中外翕然以爲允協。云公舉順治四年進士。起家浙江金華府推官。居五年。郡無滯獄。以治最入。爲刑部主事。歷進郎中。會六部裁啓心郎。屬公總理十四司。覆奏事宜。聲譽大起。

十五年擢監察御史。明年出按山西。甫半載。墨吏皆解綬去。康熙初。視兩浙鹽課。力甦商困。在臺十餘載。數上封事。如慎重票擬。甄別督撫。嚴覈郡守。皆有關治體。典內外計。屏絕私弊。丰裁凜然。九年八月。內陞支四品俸。仍掌河南道事。十一年。超拜都察院左副都御史。抗疏陳時事。謂文法大密。等於束溼。緝盜無術。累及失主。吏治民生。胥受其病。識者趨之。是年冬。擢吏部侍郎。十二年夏。命以兵部侍郎總督浙江軍務。蒞事甫兩月。而滇逆變作。十三年春。請亟增額兵。用資勦禦。踰月。聞逆告變。公隨檄諸路將士分守要害。遣將王廷梅薛受益等堵仙霞關。又請調江南滿漢官兵駐

此是○有○局○

二省交界並發江西重兵守鉛山玉山以壯聲援因會疏懇給官
兵行糧軍士皆感奮是時逆賊盡銳聚湖清日謀窺犯公偕平南
將軍賴公塔率滿兵千人綠旗兵二千人並所募健勇五百人以
五月自杭趨衢州七月賊軍數萬攻衢我軍眾寡不敵公同平南
將軍以大義激勵將士進擊於陝西礮聲震地流丸如雨左右請
少避公不可曰今日之事以兵勝敗爲吾死生可稍怯耶諸將鼓
勇直入一可當百賊遂卻顧賊黨羽方熾溫處金嚴各屬所在煽
亂公雖以計招降僞將韓斌王得功生擒賊首汪磐繆國英等而
兵單勢分難以久持十五年夏公遂建議直搗仙霞關爲摧堅制

勝之策。部議令條上進取機宜。公言進取之路不在溫處而在三衢。今逆賊勁卒悉萃於此。此賊一破則諸賊必皆駭亂。逆散雖僞將馬九玉、朱懷德等抗拒河西大溪灘。而江山常山之間有間道可襲我軍。進擊使賊首尾受敵。河西孤壘安能獨完。故擊之便時和碩康親王軍駐金華。公力請至衢。八月合軍克大溪灘。復江山縣。馬九玉猶冀繞道奔仙霞關。而諸軍已受公密檄。急據關口夾擊賊將金應虎等。窮蹙迎降。大師遂入閩。閩逆旣平。而餘孽竄伏山谷者尚繁。公復請江南江西會師協勦。踰年浙東及徽饒廣信諸郡以次底定。捷聞進秩兵部尚書。加正一品。公念賊平之後事。

之○最○急○者○無○如○蠲○免○賑○卹○疏○請○豁○金○衢○嚴○溫○處○五○郡○十○六○年○以○前
○此○是○蠲○免○後○
額○賦○部○議○持○不○允○公○上○言○卹○民○以○固○邦○本○裕○賦○以○資○國○用○兩○者○並
重○然○必○使○有○可○生○之○民○而○後○有○可○徵○之○賦○浙○東○被○賊○蹂○躪○饑○寒○交
迫○使○非○急○予○蠲○免○則○舊○逋○既○缺○新○逋○愈○積○卽○日○黜○一○官○於○事○無○濟
且○蠲○此○不○可○復○徵○之○賦○俾○民○得○休○養○生○息○以○供○將○來○之○稅○正○所○以
爲○國○家○財○賦○計○也○ 詔○從○公○言○貧○民○陷○城○中○來○歸○者○公○悉○爲○區○畫
衣○廩○又○設○糜○於○通○衢○賑○往○來○饑○民○一○百○二○十○二○萬○有○奇○流○移○之○人
盡○復○故○土○方○事○之○殷○也○羽○檄○旁○午○人○情○惶○懼○東○南○數○千○里○惟○恃○公
○足○此○以○見○其○勞○
一○人○以○爲○安○危○孤○軍○阨○險○搆○拄○三○戰○卒○使○浙○水○以○西○無○匹○馬○騎○輪

擾於境上。則皆公守三衢力也。假若三衢無公。吳越之民。幾不能一夕安枕矣。公之功。豈不偉且烈哉。公以文臣身。擐甲胄。冒矢石。大小一百四十餘戰。所向皆捷。雖行間宿將。皆遜謝不如。而部議絀錄。僅及十之一二。前後招降文武僞員六千二百有奇。賊兵一十六萬五千五百有奇。中樞絀武職。加至二十九等。銓曹絀有司亦如之。獨以督臣轄全省。不絀再奉。諭旨。乃酌加三級。久之。追論温州擒斬逆賊。及大溪灘曹平關破賊功。授公拖沙喇哈番。襲一次。或有言公保障著勛。酬庸稍薄。公瞿然曰。凡此絀錄。皆出特恩。雖胙土之榮。無以或過。且叨冒世職。與洪南安比。更何缺望。

焉。公之勞而不伐。有古大臣風矣。二十一年秋。以事平還杭州。冬。召入爲兵部尙書。公久於兵間。在部一切措注。悉中機要。二十三年。進吏部。飭諸吏坐曹聽行文書。無得與銓事。宿弊一清。明年夏。患癰。詔遣御醫診視。願尙方藥物。旣愈。以老疾請。優旨慰留。二十五年。復請。詞益切。不允。是年秋。命以吏部尙書入。爲文華殿大學士。辦理機務。明年春。致政歸。二十七年。乘輿南巡。過德州。公迎謁道左。

上詢問曰。卿精力尙健。能乘騎至此耶。賜上尊玉粒。慰勞倍至。里居凡七載。泊然無嗜。惟以書史自娛。臥病數日。遂逝。距生明王

戊八月十八日年七十有三公初在言路以譽諤聞彈劾貴要絕無鯁避既督兩浙則沈毅持大體不輕言笑而批答案牘能曲盡物情入筭部務獄獄無所流隨每國家有大議片言劈畫確不可易中外數歷四十年以精勤奉職以誠恪事主以天下善人君子得行其志爲愉快嘗言士大夫有名節易全名節難如公之立身服官始終一節真可云粹然無疵者矣以擬昔韓范司馬之倫其奚愧與公諱之芳號鄴園先世自直隸棗強遷武定曾祖諱鮮祖諱登雲考諱才望皆以公貴累封光祿大夫吏部尙書曾祖妣康氏任氏祖妣蕭氏妣李氏俱累贈一品夫人元配胡氏封恭人贈

二品夫人繼張氏封一品夫人。生四子。長鍾麟。筮仕岳州府同知。夏逢龍之亂。有守城功。陞廣東潮州府知府。次攀麟。候選行人司司副。早卒。胡夫人。出次容麟。廩膳生。次宜麟。候選通判。側室出。娶皆名族。女二人。長適候選京職王爾梅。次適廩膳生馮雲勳。胡夫人出孫男十四人。鍾麟出者十人。壽泓、壽彤、壽滄、壽湜、壽潢、壽沅、壽湘、壽演、壽湖、壽松、攀麟出者四人。壽澄、壽淳、壽溥、壽滋。曾孫男二人。本篤本厚。壽泓出。公從子。姓麟。舉丁丑進士。館選時。上詢知家世。遂擢入庶常。聖心眷公之深。歿而不能忘。聞者皆爲感涕。鍾麟將以康熙三十六年九月初五日奉葬東原塋。兆以

某爲年家子。屬爲銘。誼不敢辭。謹據狀次第行實而係以銘曰。
嶽鍾元氣。公生應期。持憲於朝。正色侃辭。咨命制府。鎮東南陲。三
孽相挺。詿誤烝黎。七閩震鄰。險阻以窺。屹然一身。

天子倚毗。遮扼要害。危疆是濟。摧厥凶鋒。用濟我師。掃蕩廓滄海。
邦載釐。百戰之勛。勦於鼎彝。召還劇廊。以式庶司。典樞典銓。爰秉
國維。投老崖壑。優游自怡。出入將相。黃髮羽儀。韓琦。隕星。傳說乘
箕。偉烈不朽。銘石永垂。

耿逆之變。李文襄守衢之功。實大王阮亭詩所云。緘扉不動。所
江西也。文重寫此處中間特頓一段。以發揮之。可謂有體有要。